



Pranuar / Doretuar Primjena/Protato Received/Delivety	30.11.2023	3 viti god. year	
Organ /Njesia Organ /Jednica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKDMSTOK	7145/2023		1/9



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.Nr.1295/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Jeton Koca dhe Ardit Haxhnikaj Demi-anëtarë me Çlirim Zeka-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.1295/2023 të datës 17.10.2023, të parashtruar nga ankuesi

kundër organit të punësimit Shërbimit Spitalor dhe Klinik Univeristar të Kosovës/Qendra Klinike Stomatologjike Universitare e Kosovës, në çështjen juridike "Kërkesë nga Marrëdhënia e Punës", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3, nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 30.11.2023, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur me ankesën A.nr.1295/2023 të datës 17.10.2023, të parashtruar nga ankuesi

Lënda i dërgohet për shqyrtim dhe vendosje organit kompetent/Komisionit të Ankesave për Nëpunësit e Shërbimit Publik të Shërbimit Spitalor dhe Klinik Univeristar të Kosovës/ Qendra Klinike Stomatologjike Universitare e Kosovës.

A r s y e t i m

Ankuesi i punësuar në Qendrën Klinike Stomatologjike Universitare e Kosovës sipas Kontratës punës për kohë të pacaktuar me numër protokoll 199/2 të datës 03.07.2014 në pozitën e punës "Zyrtar për Buxhet dhe Financa", më datë 09.10.2023 përmes postës ka parashtruar ankesë e cila është pranuar me datë 17.10.2023 me numër protokoll 6562/2023 në

Këshillin e Pavarur Mbikëqyrës për Shërbimin Civil të Kosovës, me pretendimin ankimor kundër shfuqizimit të vendimit, lidhur me ushtrimin e detyrës së Zyrtarit Kryesor Financiar në Qendrën Klinike Stomatologjike Universitare e Kosovës.

Kolegji për Shqyrtimin dhe Vendosjen e Ankesave, ka administruar këto prova: Ankesën me numër protokolli 6562/2023 të datës 17.10.2023 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; E-mail nga Q.K. për K.M. etj. i datës 27.09.2023; E-mail nga Q.K. për K.M. etj. i datës 26.09.2023; E-mail nga Q.K. për K.M. etj. i datës 20.09.2023; E-mail nga Q.K. për K.M. etj. i datës 20.09.2023; E-mail nga Q.K. për A.J. etj. i datës 11.09.2023; E-mail nga Q.K. për A.J. etj. i datës 11.09.2023; E-mail nga A.J. për D.K. i datës 11.09.2023; E-mail nga D.K. për A.J. i datës 08.09.2023; E-mail nga A.J. për Q.K. etj. i datës 08.09.2023; E-mail nga Q.K. për A.J. etj. i datës 07.09.2023; E-mail nga A.J. për Q.K. etj. i datës 08.09.2023; E-mail nga Q.K. për A.J. etj. i datës 07.09.2023; E-mail nga Q.K. për D.K. etj. i datës 23.03.2023; E-mail nga D.K. për Q.K. i datës 15.03.2023; E-mail nga Q.K. për D.K. i datës 15.03.2023; E-mail nga D.K. për Q.K. i datës 11.01.2022; E-mail nga Q.K. për Sh.M. etj. i datës 06.01.2022; Vendim i QKSUK me numër protokolli 834/2 i datës 30.12.2020; Kërkesë për rishqyrtim të koeficientit të pagës me numër protokolli 834 i datës 30.12.2020; Statuti i QKSUK 04-2006; Kontratë pune për kohë të pacaktuar Qendra Klinike Stomatologjike Universitare e Kosovës e Q.K. me numër protokolli 199/2 të datës 03.07.2014; Pliko me numër R5587073 i datës 09.10.2023;

Kolegji për shqyrtimin dhe vendosjen e ankesave, duke shqyrtuar të gjitha provat e lëndës, konstaton se Këshilli i Pavarur Mbikëqyrës për Shërbimin Civil i Kosovës, nuk është kompetent për të vendosur për ankesën e parashtruar nga ankuesi **sepse:**

Kolegji për shqyrtimin dhe vendosjen e ankesave ka konstatuar se bazuar në shkresat e lëndës ankuesi është i punësuar në Qendrën Klinike Stomatologjike Universitare e Kosovës sipas Kontratës punës për kohë të pacaktuar me numër protokolli 199/2 të datës 03.07.2014 në pozitën e punës "Zyrtar për Buxhet dhe Financa".

Kolegji i Këshillit i'u referua fillimisht dispozitave të Ligjit N.08/L-197 për Zyrtarët Publik përkatësisht me nenin 5 paragrafin 3 ku është përcaktuar se; 1. Kategoritë e zyrtares/it publik janë: 1.1. Nëpunësja/i i shërbimit civil; 1.2. Nëpunësja/i i shërbimit publik; 1.3. Krijuesja/i dhe performuesja/i e/i artit dhe kulturës; 1.4. Nëpunësja/i teknik dhe mbështetës; dhe 1.5. Zyrtarja/i i kabinetit... 3. Nëpunësja/i i shërbimit publik është zyrtarja/i publik i cili ofron shërbime publike të drejtpërdrejta për qytetarët në fushën e arsimit, shëndetësisë, kulturës, artit, në fushën e mjekësisë ligjore, si dhe shërbime tjera të ngjashme publike. Nëpunësja/i i shërbimit publik ushtron detyrën në pozitën përkatëse duke filluar nga niveli profesional deri në nivelin e lartë drejtues. Nëpunësja/i i shërbimit publik është edhe nëpunësja/i i shërbimeve të brendshme në administratën e shërbimeve publike pjesë e administratës shtetërore, në administratën e shërbimeve publike apo pjesë e komunës, rrjedhimisht në kuptim të këtyre dispozitave ligjore si dhe duke u bazuar në pozitën e ankuesit "Zyrtar për Buxhet dhe Financa" në Qendrën Klinike Stomatologjike Universitare e Kosovës. Kolegji i Këshillit konstatoi se në rastin konkret pozita "Zyrtar për Buxhet dhe Financa" është e kategorizuar si nëpunës i Shërbimit Publik.

Në kuptim të nenit 101 paragrafi 2 të Kushtetutës së Republikës së Kosovës si dhe nenit 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, nuk është kompetent për vendosur për ankesën e parashtruar nga ankuesi, sepse

Këshilli është kompetent që të shqyrtoj dhe të merr vendime vetëm për ankesat e nëpunësve civil dhe kandidatëve për praninë në Shërbimin Civil.

Andaj duke pas parasysh konstatimin si më lartë se Këshilli i Pavarur Mbikëqyrës për Shërbimin Civil të Kosovës nuk ka juridiksion për të vendosur lidhur me ankesën me numër A.nr.1295/2023 të datës 17.10.2023. Kolegji i Këshillit duke u bazuar në nenin 75 paragrafi 1 të Ligjit Nr.05/031 për Procedurën e Përgjithshme Administrative vendosi që lënda ti dërgohet për shqyrtim dhe vendosje organit kompetent, në këtë rast Komisionit të Ankesave për nëpunësit e shërbimit publik në Shërbimin Spitalor dhe Klinik Univeritar të Kosovës/Qendrën Klinike Stomatologjike Universitare e Kosovës.

Kolegji për shqyrtimin dhe vendosjen e ankesave, pas konstatimit se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën e ankuesit, udhëzon palën për ushtrimin e mjeteve juridike bazuar në dispozitat e Ligjit Nr.08/L-197 për Zyrtarët Publikë, përkatësisht nenin 77 paragrafi 1 ku përcaktohet se: *1. Përveç kur parashikohet shprehimisht ndryshe në këtë pjesë të ligjit, marrëdhënia e punës për nëpunësin/in e shërbimit publik rregullohet sipas dispozitave të Ligjit përkatës të Punës, si dhe nenin 88 paragrafi 1 dhe 2 ku përcaktohet se: 1. Nëpunësja/i i shërbimit publik mund të ankohet kur pretendon se i janë shkelur të drejtat në marrëdhënien e punës. Të drejtën e ankesës e kanë dhe kandidatët në procedurë rekrutuese në shërbimin publik. 2. Ankesa sipas paragrafit 1. të këtij neni paraqitet sipas afateve të përcaktuara në ligjin për procedurën administrative nga dita e pranimin të vendimit përfundimtar. Si dhe Ligjin Nr. 03/L-212 i Punës përkatësisht nenin 78 paragrafi 1 dhe 2 ku përcaktohet se: 1. I punësuarit i cili vlerëson se punëdhënësi ka shkelur të drejtën e marrëdhënies së punës, mund të paraqesë kërkesë të punëdhënësi apo organi përkatës i punëdhënësit nëse ekziston, për realizimin e të drejtave të shkelura. 2. Punëdhënësi është i obliguar për të vendosur sipas kërkesës së të punësuarit, në afatin brenda pesëmbëdhjetë (15) ditëve nga data e pranimin të kërkesës.*

Andaj pas analizimit dhe vlerësimit të të gjitha shkresave të lëndës, Kolegji për Shqyrtimin dhe Vendosjen e Ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.


Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1295/2023



Çlirim Zeka


Procesmbajtës



Vendimi i dërgohet:

- Ankuesit
- Drejtorit të Përgjithshëm të Shërbimit Spitalor dhe Klinik Universitar të Kosovës;
- Komisionit të Ankesave për Nëpunësit e Shërbimit Publik të Shërbimit Spitalor dhe Klinik Universitar të Kosovës/ Qendra Klinike Stomatologjike Universitare e Kosovës;
- Udhëheqësit të Personelit të Shërbimit Spitalor dhe Klinik Universitar i Kosovës;
- Arkivit të KPMSHCK-së.

